

《佛說無量壽經》 補充講表

◎附表三十五：以下糅合《佛說無量壽經甄解》

○總猥憤擾，「皆貪愛欲」。惑道者眾，悟之者少。世間匆匆，無可聊賴。

※《圓覺經》·彌勒菩薩章云：「當知輪迴，愛為根本。由有諸欲，助發愛性，是故能令生

死相續。」

※《佛遺教經》云：「是故當知，世皆無常，會必有離，勿懷憂惱，世相如是。當勤精進，

早求解脫，以智慧明，滅諸癡暗；世實危脆，無堅牢者。」

※《了凡四訓》中，雲谷禪師云：「命由我作，福自己求。」

○各懷殺毒。惡氣窈冥，為妄興事。違逆天地，不從人心。

※瞋恚是殺生本，其劇如毒，故云：「殺毒」。惡氣窈冥：惡氣幽深，乃內懷殺毒故。

《周易》「繫辭傳」謂：「天地之大德，曰：『生』。」人心：仁心道德。

※威制消化

《楞嚴文句》卷四云：「智能斷惑，故名大威；悲能利生，故名大德。又折伏眾生故言威，攝受眾生故言德。折攝並用，如父如母。」

○汝今亦可自厭生死老病痛苦，惡露不淨，無可樂者。

※蕩益大師於《佛遺教經解》云：「精勤修習觀察生老病死苦，及四惡趣苦，我未能離，

對治不知恐怖懈怠。」

※《印光大師文鈔菁華錄》云：「不淨者，美貌動人，只外面一層薄皮耳。若揭去此皮，

則不忍見矣。骨肉膿血，屎尿毛髮，淋漓狼藉，了無一物可令人愛。但以薄皮所蒙，則妄生愛戀。華瓶盛糞，人不把玩。今此美人之薄皮，不異華瓶。皮內所容，比糞更穢。何得愛其外皮，而忘其皮裏之種種穢物，漫起妄想乎哉。」

○雖一世勤苦，須臾之間，後生無量壽國，快樂無極。

※省庵大師《勸發菩提心文》云：「若以修行為苦，則不知懈怠尤苦。修行則勤勞暫時，

安樂永劫；懈怠則偷安一世，受苦多生。……若懼地獄之苦，則精進自生；若念無常之速，則懈怠不起。」

※黃檗禪師云：「塵勞迴脫事非常，緊把繩頭做一場；不經一翻寒徹骨，怎得梅花撲鼻香。」

○今我於此世間作佛，處於五惡五痛五燒之中，為最劇苦。

※五惡：業因。

※五痛：現生之報，即華報。

※五燒：來生之報，即果報。